

書名 空同先生集六十三卷 嘉靖九年序刊本  
撰者 明 李夢陽 撰  
卷 卷二十四  
內容分類 集-別集-明中葉  
索書號 倉石:40084  
編號 4008000

# 卷二十四



空同先生集卷第一

賦一十首

疑賦

思賦

省愆賦

緒寓賦

侯軒子賦

十首

賦

乾  
坤  
高卑易矣  
星辰在  
下江河  
逆矣天  
喬喬天

北郡李夢陽撰

鈍賦

述征賦

宣歸賦

寄兒賦

竹石賦



空同先生集卷第二十四

北郡李夢陽撰

詩 五言律詩一百首

贈答

陶行人宅贈

酬京師友人見寄

繁臺餞客二首

送秦子

聞李公寓郊園寄贈

答伊陽殷明府見寄

寄殷明府二首

送鮑生下第南歸

杭刑部淮談其師齋

南陽宅訪徐禎卿

張子抱疴避諠山寺闕別旬月作此懷寄

寄錢水部榮

風夕柬徐子





送舍姪不還汴

得何子過湖南消息

憶何子

何子至自滇

春歸東謝真外

晚過序上人

再過序公月夜

晚過定上人

秋雨訪李鍊師

送鮑光雄南歸

田生聞余浩然訪於東郭花下酒集二首

余氏園庄二首

庚午十月余氏東庄

送人還關中

寄贈內弟玉園居

毒熟在獄呈陳運使數暨潘給事中希曾

延慶觀訪陳州王君

徙泰公方丈秋夜

康狀元話武功山水

發京呂狀元送出城

答何子問訊三首

阻雨明港寄何子

賢隱寺集贈

漢上遇鍾叅政

贈鍾子漢上

獨對亭贈人過訪

發貴溪高子輩舟送

寄贈林都御史二首

贈何君辭官歸里

新喻遇薛子送贈二首

立春寄楊君京口

顧子謫全州贈二首

與樾堂子晚步四首

九日楚山太華君同

送鄭生南歸二首

繁臺書院同邊子三首

臺館訪李秀才濂

寄許監察二首

東黃子二首

許君話遊感舊四首

酬唐禮部見寄二首

贈張工部汴上



答許監察百泉和章兼泄所懷三首

和許監察聞報之作 送張監察還朝

伏日許君館亭晚酌餞送陳左使赴貴州首

早秋許君監察見過 寄王贛榆

寄李濂兼呈何子 寄王生

酬寄徐子秋日登鏡光閣見憶

贈孟明府自桂林量移汶上

寄王子蘇州三首 寄孟縣張明府

酬徐子春日登樓見寄

送許監察還朝二首 再贈許君

贈答

陶行人宅贈

大道僧門對蕭然陶舍深未論五楊柳真懸一素琴  
坐向霜烟夕時聞鴻鴈音城笳流海思邊月起秋陰  
苦勸蒙騰醉應懷長別心但看得雲真真誰竟尋

酬京師友人見寄

浮雲悲故國積水起鳴雷不見長安日愁登古吹臺  
故人三月別天上一書來欲問經行處山中杜若開

繁臺餞客二首

一本作繁臺餞秦子二首

異地同爲客看花更屬秋雲連去國目鴈引望鄉愁  
隴封迷關道吳山蔽驛樓忍將宋玉恨還共李膺舟

二



萬里遊燕客十年歸此臺只今秋色裏忍爲菊花來  
霜露凝秦望衣冠餞楚材不堪分袂苦落日一鴻哀

送秦子

梁國秋砧滿范陽風葉稀如何故人去不與鴈同飛  
北路薊門古寒天易水微君行莫怨霧霜日指南輝

聞李公寓郊園寄贈

幾日棲東嶼昔林今若何主人能醉客世事且狂歌  
黃鳥晴吟竹紅蕖晚出波自憐門士未眠病阻鳴珂  
答伊陽殷明府見寄

古縣垂新柳獨吟酬好春琴清山在眼花碧酒隨人  
柰此河陽少曾於漢署親郵筒定不惜有句念沉淪

寄殷明府二首

自在去年札約爲嵩少行夢常飛洛水詩屢到伊城  
蘿殿王喬烏花臺子晉笙君行奮雙翮吾此學長生

二

可怪伊陽尹冬來不寄詩徒懷白雪調况逼暮雲時  
日落山城黑風鳴邑對悲身危屬撫字爲爾一凄其

送鮑生下第南歸

只期橫直上豈料戢鱗歸抱玉終難掩投珠安所希  
秋風吹獨馬落日照征衣南到江亭上還瞻北鴈飛

杭刑部淮談其師齋

國難逢驕虜時危惜俊才鹽車在泥淖騏驥亦悲哀



片月清秋照商風一夜來思君不相見惆悵對西臺  
南陽宅訪徐禎卿

東閣能留第南人暫亦居琴書遷臥內騎馬到堂除  
殘對喧巢鵲微風走壁魚追思秉釣日冠蓋爛盈閭  
張子抱疴避諠山寺闊別旬月作此懷寄

楚楚張公子悲吟度歲華棄官臨野寺服習向山家  
石髓遇不識黃精春始花洞中日月秘強食勝丹砂

寄錢水部榮

一本作寄錢水部世恩

雪時揮袂別見雪即懷君河館冬難暮沙洲晚更雲  
清為蒼水使靜對白鷗羣昨夜尋君夢微茫路不分  
風夕柬徐子

嚴冬萬卉寂朔吹迥添愁嶺日微含照川雲半道  
頻齋忘肉味乍冷覓羔裘差勝山陰夜能孤訪戴逵  
送舍姪木還汴

天涯逼除夕念爾獨歸人夜宿蘆溝雪朝逢易水春  
為駒先汗血藏劍莫愁身到及張燈候遙知戲彩頻  
得何子過湖南消息

及遇荆門信洞庭秋已淒湘江饒苦竹幾聽鷓鴣啼  
馬援留銅柱王褒祀碧雞向南衝瘴癘藥物去曾携

憶何子

其兄時為巴陵知縣

憶爾辭京日余歌萬里行經秋無過鴈索處若為情  
去已窮滇海歸應滯岳城鳳凰池上草春到為誰生



何子至自滇

醉折荷花別寧期花復開川原一回首雲日共徘徊  
知向百蠻去云從三峽來進舟雖一賦胡棄楚陽臺  
春歸東謝負外

寂寂鳴禽變陰陰弱絮飛煙花從客久風雨會春歸  
且盡追隨飲休傷節序違無端臨暮景番憶謝玄暉  
晚過序上人

塔日微微墮禪居隱隱涼軒開惟有竹坐定始聞香  
萬古風塵地三生水月鄉頻來尋白社不爲禮空王  
再過序公月夜

歲已殘冬暹月餘今夜圓光侵僧磬發清徬佛

鳴鳥疑深杳高雲若著天夙心如解此更欲問何禪

晚過定上人

中秋鏡閣臨向晚過西林月自湖間動鵲翻祇對深  
靜宜鐘磬發寒更塔廊陰萬物輝今夕悠悠塵外心  
秋雨訪李鍊師

便靜尋丹侶飛梁度赤城洞花含雨落階鶴下松迎  
雲霧生仙袂秋寒咽鳳笙余情會浩蕩先品步虛聲  
送鮑光雄南歸

世事風波遠悠悠素髮新乾坤萬里色江海獨歸人  
斫柳牽行舫汀花照暮春山中采芳杜好薦北堂親  
田生聞余浩然訪於東郭花下酒集二首



花林吾自酌見覓爾情親轉覺花饒笑  
番驚蝶趁人  
百年秦地客萬里宋宮春酒罷烟城暮無言對愴神

二

令兄真國士吾子更超然同住孤城裏相邀東郭前  
攀桃映落日折柳向春天更有梁臺約風塵入暮烟

余氏園庄二首

無端二月至不分百花開林坐斜陽入郊暄沙色來  
穠葩偏近牖弱柳故臨杯共是天涯客無辭醕酌迴

二

百年吾不醉一歲幾何見况接桃花暮難禁柳色新  
君爲避世客余是放歌人爛熳題詩徧林營莫漫喧

庚午十月余氏東庄

南客招延屢東遊野興高乾坤侵瀟殺雲木半蕭騷  
暖澤喧饑雀冬林秀晚桃時清還浪跡痛飲笑吾曹

送人還關中

見君驅去馬忽起望鄉思華嶽寒逾峻涇河繞自遲  
躬耕爲谷口把釣憶皇陂何日一尊酒南山對不移

寄贈內弟玉園居

城市憐余獨鄉居見爾稀年華仍雪對疾病有柴扉  
烟起浦欲暝沙寒鴻自飢一身固不保萬事莫嗔違

毒熱在獄呈陳運使數暨潘給事中希曾

此地饒炎熱南中恐未然有風番助暑揮汗欲成泉



鳥避棲深葉蠅喧集滿筵百憂吾共汝流涕北風篇  
延慶觀訪陳州王君

珠閣晴逾麗仙林午自和我來驅獨馬笑爾溺雙鵝  
臘雪融樓薄溪風傷竹多雖非宛丘習吾醉亦婆娑  
徙泰公方丈秋夜

秋林風色暮游子念征衣鴻鴈俱高起江山獨未歸  
月臨蓮室靜螢傷竹林微喜對離羣友吾生本息機  
康狀元話武功山水

夢寐關中好連年未得歸側聞武功勝佳興益翻飛  
水繞褒斜出山從盤屋圍因君覓水竹爲買釣魚磯  
發京呂狀元送出城

旭日清霜麗關河獨鴈飛征蓬各自遠會面後應稀  
渭水縈秦塞南山繞漢畿料君鄉思切只恐未能歸  
答何子問訊三首

伊汝投簪日憐余罾網羅江湖鴻鴈絕道路虎狼多  
萬死還鄉井潛身葺薜蘿天涯歲仍晚無路覓羊何  
二

仲夏辭梁地中秋出夏臺醉行燕市月留滯菊花杯  
日暮千行淚天寒一鴈來亦知張季子不爲食鱸迴  
三

弱冠真憐汝投閑更可哀山高桐栢觀水曲范滂臺  
假寐憑巖柱潛行倚岫梅此時誰借問日短暮寒催



阻雨明港寄何子二首

白日雲猶動青山雨忽來計程今夜會策馬出村回  
月對荆門上天從夢澗開旅燈依港宿吟苦獨徘徊

二

微微山日舒彼美碧山隅信宿猶難遣經年祗重吁  
花含明日艷月助此宵孤久擬申城醉香醪語爾沾

賢隱寺集贈

水落移舟穩山行酒暫隨寺高垂路細林密見僧遲  
樓閣登臨日江淮獨去時不應聊駐此愈重白雲思  
漢上遇鍾叅政

長安一爲別十載但書傳我自河南至君來自馮川

偶逢知萬事重會是何年館靜風依馬江鳴雨濯艦  
情多看轉默酒後惜分眠明發孤帆疾愁經大別邊

贈鍾子漢上

君爲薇省使幾度紫薇開髮以憂時白舟巡累月回  
漢川驚會面江雨助停杯已約同船下安能曉霧來

獨對亭贈人過訪

孤亭瞰巨壑五老對銜卮日出峰烟起風涼谷對悲  
石泉秋聽急山路晚歸遲異日東南賞應深虜獄思  
發貴溪高子輩舟送

旌旗飛近邑鼓吹送前舟禮餞諸生侍英寮並節遊  
長風驅暝色密霰響寒洲見月帆猶進山陰恨子猷



寄贈林都御史二首

錦水啼鶯起巴山春望微  
干戈滿眼急江漢一舟歸  
花送琴書色霜留斧鉞威  
所傷豺虎亂公也息鷗機

二

諸葛能安蜀穰苴本善兵  
向來優起詔番作急流行  
老益丹心壯憂惟白髮驚  
祗憐川父老涕泣挽歸旌  
贈何君辭官歸里

三年牧夷郡萬里竟歸舟  
瘴離程番雨雪乘江漢流  
琴書頓縣邑五馬向山樓  
棠對苗民種清陰應舊州  
新喻遇薛子送贈二首

故舊日益遠寸心奚所安  
雨留杯酒暫明發楚途漫

炎暑百毒盡風霜五月寒  
知君近南斗時倚鑊鋤看

解劍別此水憐君向桂林  
徒持一杯酒其奈故人心  
瘴癘秋行霽沉湘馬度深  
衡陽雖更遠莫遺鴈書沉  
立春寄楊君京口

一水相望隔飄飄楚越身  
北風猶送雨南國暗增春  
雲入金山接波添彭澤新  
妙高峰上酒對酌是何辰  
顧子謫全州贈二首

楚城悲遠望君去更悠悠  
十月逢南鴈章江况北流  
寒沙帶宿莽霜日下孤舟  
明發湘東路應添吊屈愁

二



蒼梧遺舜跡白雲秋氣愁君得人文地相傳是此州  
山連夜郎密瘴入桂林收獨有思親淚非緣逐客流

與樾堂于晚步四首

有伴沙行穩無雲楚望深江湖席下出樓觀鳥邊陰  
共繫南來跡孤帆北逝心徘徊忽復晚朗月散松林

二

晚俯林烟靜居然盡一城江圍三面白雨過四時清  
沙光偏升月花踈轉喚鶯可言南岫矮青槩斗牛平

三

北郭浮沙暝西山擁坐真日猶銜殿閣江已下星辰  
禹服苗風雜豐郊劒氣伸獨嗟征艦日歌吹滿城闈

四

美對沙能秀高花夏不踈江山百戰後登眺兩人初  
楚月垂鮫淚燕山澁鴈書異時羊續壁喜接豫章魚

九日楚山太華君同登

不入襄陽府秋山每自來那知楚峰上還共菊花杯  
帽落層雲迥風生萬壑開却思羊叔子峴首獨悲哀

送鄭生南歸二首

梁園杯酒罷江上泛舟歸白日孤帆隱青天一鳥飛  
路分和靖宅潮接子陵磯羨爾隨玄豹還山戲彩衣

二

挂席南風便烟霞北望深逢人著皂帽采藥鍊黃金



五月三江路扁舟四海心方山有叢桂誰與結雲林  
繁臺書院同邊子三首

壺觴聊首夏文史更孤臺地主更來幾登臨每復陪  
徑蘭迎節秀岩鶴撲驄迴落日凭軒外蒼蒼四嶽開

二

駐賞林紅減登吟野綠圍故人率爾遇時序暗中違  
氣突芒碭斷雲低孟澤飛昔賢誰復此無羨酒酣歸

三

興劇攀巍坐脩然俯日斜亭扶盤石對岬綴殿春花  
辭服賓游憶青衿閃釣槎綢繆不欲別風野暮鳴笳  
臺館訪李秀才濂

李生梁國彥少小事沉冥春日古臺上獨行楓對青  
花侵映雪壁鳥下草玄亭野闊看無際浮雲似洞庭

寄許監察二首

爲問乘驄使經春北未迴句刪淇竹寫尊泛鄴花開  
昏曉行山外風雲每自來不知銅雀上臨望幾徘徊

二

初擬周三晉何時已百泉吏人跳水外驄馬白楊邊  
坐憶孫登嘯行吟衛女篇倒看峰不極炎日有霜烟

東黃子二首

約隱情非飾今歸悔即遲田園荒欲盡親友半相疑  
杯酒惟黃子儒門是白眉可能東郭柳日往聽黃鸝



徑菊陶能得田瓜邵獨勤爲農消日月倚杖看風雲  
挿柳俄成對籠鵝忽一羣不須憂萬事客至且醺醺

許君話遊感舊四首

幾日離泉上泉香滿繡衣坐談觀水事想見采菱歸  
石柱新留姓山藜亦借威知君薄朱紱與在白雲飛

二

泉館舊曾到跳珠今若何數年魚不小題壁客應多  
照日輪金浪回風散錦湑君令樹齒苔勿逼古龍窩

三

亭榭逢君復源泉改色流噴珠連地涌仰鏡合天浮

掇蛤曾兼石移家欲狎鷗獵心萌自鄙日往水邊頭

四

昔訪仙潭鯉春陰阻獨行至今看絕頂長日有雲生  
爾昨褰帷過同深把釣情何晴掣金鬚攜手萬峰晴

酬唐禮部見寄二首

僕疎鹵蕪鄙人也舉世棄焉於唐無一面之

雅迺今辱拔群之顧偉文法筆吐露悃悞僕

奚以有此哉

萬事中年懶諸人近日疎不忘惟墨客願見有音書  
倚伏休詢鵬生涯且釣魚問音終缺酒不是草玄居

二



蹈虎看賢達攀龍幾奮飛長歌百年內慘淡萬情歸  
種竹從過檻栽桑不慮衣神交古有在莫遣北鴻稀  
贈張工部汴上

天意焚宮殿臣心急棟梁未花辭魏闕酷暑向咸陽  
遇我其傾蓋憂時每罷觴塵沙一萬里分手向垂楊  
答許監察百泉和章兼世所感三首

踈迂甘病足天地合藏身未即辭城市何緣謝世人  
恨無山在眼願與鹿爲鄰暑日情真倍蕭蕭水石濱

二

吾門客不到永晝雀堪羅竹色間巾拂池涼颭芰荷  
片雲感日卷雙燕掠虫過忽憶臺端使詩成只自哦

三

睡起看雲坐敲門報吏來受書驚鯉躍投李得瓊廻  
思爲源泉劇辭遵比興我不須共林石三復野情開  
和許監察聞報之作

忽爾西邊信飛傳過洛陽幾首齊豕突何將最鷹揚  
殺氣黃河接烽烟紫塞長籌兵有諫疏早晚達明光  
送張監察還朝

北極星辰入山河斧鉞歸烏爭車鷺疾雨逆蓋雲飛  
御柳元搖珮臺花且襲衣聖心虛采納忍使諫書希  
伏日許君館亭晚酌二首

暑閣含風暮林亭透日踈俯地間白羽把酒躍金魚



與觸山花發心同水葉舒孰言臺務劇鎮日有琴書

二

樹色寒文筆池光隱玉壺敞筵真不暑愛客忽忘晡  
鳥返爭相柏魚懼自戲蒲回思闌闌于天地一洪鑪

送陳左使赴貴州二首

萬里洞庭西秋風入五溪瘴天開斧鉞山驛斷虹蜺  
水出牂牁繞城臨井宿低堂間花對紫簫鼓閱雕題

二

郡縣收殊俗封疆託此臣去披炎嶺霧坐使瘴花春  
僚部知徭賦夷官學縉紳誰期召伯對蔽芾五溪濱  
早秋監察許君見過

五柳鵝偏繫三山雨乍過夏蟬猶咽竹夕露欲傾荷  
眷此青雲客懷余白石歌相看恨易晚燈火發烟蘿

寄王贛榆

自汝謫東縣朝朝看海頭書纔一紙到別已十年周  
日就晚潮落城浮淮水流知君負楚調激烈向清秋

寄李濂兼呈何子遜

仲言何遜字

識汝塵埃際飛騰步步高許身元稷契努力更風騷  
暫亦遊香署終能奪錦袍仲言應過數萬里兩鴻毛

寄王生

重九書新寄他特意獨傷故山吾別久籬菊晚誰芳  
日月徒鴻鴈乾坤尚虎狼松楸圍幾大人發淚千行



醉寄徐子秋日登鏡光閣見憶

歲晚湖間閣秋臨共爾曹  
路疑銀漢上身近紫宸高  
霜色諸天鏡  
風四海濤  
別離誰復此  
檻望獨揮毫  
贈孟明府自桂林量移汶上

少年東邑宰萬里北還人  
桂已他時苦花須滿眼春  
偶逢思宿昔臨別見交親  
莫小牛刀試元爲驄馬臣  
寄王子蘇州三首

獨立望南天秋空月會圓  
此時一尊酒憶爾隔嬋娟  
並馬遊燕日孤舟去越年  
斷腸今萬里心折暮江前

三十烏臺使投冠竟黑頭  
田園是故里江海有新舟

把酒看鴻舉開牕面虎丘  
不須嘅今古吾伴鹿麋遊

舊交多鬼錄吾子獨仙鄉  
幸自饒強徒何心說廟郎  
稻輪吳郡白橘足洞庭黃  
飽飯教兒女攤書日滿床  
寄孟縣張明府

同年多出宰獨爾得河陽  
背郭圍王屋開門對比印  
詞章前令掩桃李舊花香  
何日乘雲起雙鳧入帝鄉  
酬徐子春日登樓見寄

三月垂楊合風花滿帝州  
伊予直北望爾上幾層樓  
紫塞連天起黃河抱地流  
春烟動萬里何處覓前遊  
送許監察還朝二首



杯酒豈無友知音誰復多君今萬里去吾柰好春何  
路草隨軺碧山鶯近驛歌尚思文話地驄馬月中過

二


吾園花爛熳子特駐驄看偶念明朝別先違兩地懽  
勝之元執斧陶氏合投冠去任情俱得離杯莫放乾

再贈許君


緣听百花開樓船三月迴人依鐵甕望鳥避柏烏來  
禮樂還朝疏山川畫笏才太微遙已入新彩近三台

畫笏虞  
允文也

空同先生集卷第二十四









所圖畫

